

SCRIPT OF EVENING GOJRI NEWS BULLETIN 27JAN 2026  
1700HRS

اوننگ گوجری نیوز بولیٹن 27 جنوری 2026

\*\*\*\*\*

یوہ آکاشوانی جموں بے نصرت تے اظہر حسین تیں خبر سُنو۔

\*\*\*\*\*

HEADLINES

- ۱۔ وزیر اعلیٰ عمر عبداللہ نے جموں غا بکھ بکھ طبقاں غا نمائندہ غے نال بجٹ بارے مشاورت کی۔
- ۲۔ ادھمپور ماہہ سڑک حادثہ غے پیش نظر ایک سی۔آر۔پی۔ایف جوان سمیت 4 افراد غی موت واقع ہوئی ہے۔
- ۳۔ جموں کشمیر قانون ساز اسمبلی گا سپیکر عبدالرحیم راتھر نے اسمبلی سیکرٹریٹ جموں ماہہ ذرائع ابلاغ غا نمائندہ غے نال گل بات کی۔
- ۴۔ سرس میلو 2026، 31 جنوری تیں جموں ماہہ منعقد وے غو جس غو مقصد دیہی بٹر مندی تے ثقافتی سرگرمی ناہہ فروغ دینو ہے۔
- ۵۔ جموں سرینگر قومی شاہراہ 44 بند ہے تے بھارتی محکمہ موسمیات نے جموں کشمیر ماہہ گرج چمک غے نال پاری بارش تے برف باری بارے اورینج الرٹ جاری کیو ہے۔

\*\*\*\*\*

CM PRE BUDGET MEET

وزیر اعلیٰ عمر عبداللہ نے اج آن آلا بجٹ غی تیاری غا سلسلہ ماہہ جموں صوبہ غا بکھ بکھ طبقاں غا نمائندہ غے نال بجٹ ور گل بات کی۔ سرکاری ذرائع غے مطابق، اس میٹنگ ماہہ ایسو بجٹ بنان ور گل بات ہوئی، جھیڑی عوام دوست ضروریات ناہہ پورو کرے، بُنیادی ڈھانچہ ناہہ مضبوط کرے، روزگار غا مواقع بدھانے تے جموں کشمیر ماہہ متوازن تے سب غی ترقی ناہہ یقینی بناوے۔ وزیر اعلیٰ غا دفتر نے سماجی میڈیا ور اپنا ایک پیغام ماہہ کہیو کہ ان مشاورتاں غو مقصد عوام غی رائے ناہہ شامل کرنو ہے تے جموں خطہ غی ترقی تیں جُڑیا مسائل ناہہ بجٹ ماہہ مناسب جگہ دینو ہے۔ اس بارے مزید جانکاری دیتا وان مارا ضلع نمائندہ نے اس طرح کہیو۔

\*\*\*\*\*

UDH ACCIDENT

اج ادھمپور ضلع ماہہ جموں سرینگر قومی شاہراہ ور شارده ماتا مندر غے قریب ایک بڑو سڑک حادثو پیش آیو، جس ماہہ ایک سی۔آر۔پی۔ایف غا جوان سمیت چار افراد غی موت واقع ہوئی ہے، جانکاری غے مطابق، ادھمپور در جان آلی ایک بس تیزی سنگ چل رنی تھی تے بس نے ایک موٹر سائکل آلا ناہہ ٹکر ماری۔ ٹکر اتنی شدید تھی کہ، بس ماہہ سوار 2 مسافر بُن ٹہ گیا جس غی موقع ور بی موت ہوگئی۔ ان وچوں ایک مسافر 52 بتالین غا سی۔آر۔پی۔ایف غو جوان تھو۔ گجھ ہی دیر ماہہ، اس بس نے سڑک غے کنارے ایک مہندرا لوڈ کیرنر غی مرمت کرتاوا 2 مکینک ناہہ وی ٹکر ماری، شدید زخمی ہون غی وجہ سنگ، دوئے مکینک موقع ور ہی دم توڑ بیٹھا۔ پولیس فوراً موقع ور پُچی تے قانونی کاروائی

شروع کی لیفٹیننٹ گورنر منوج سنہا سے وزیر اعلیٰ عمر عبداللہ نے حادثہ ور گہرا  
دُکھ سے افسوس غواظہار کیو۔ اس واقعہ بارے مزید معلومات دیتا واں 187 ہٹالین غا  
ڈپٹی کمانڈنٹ کرتار چند نے اس طرح کہیو۔  
\*\*\*\*\*

## SPEAKER MEDIA INTERACTION

جموں کشمیر غی قانون ساز اسمبلی غا سپیکر عبدالرحیم راتھر نے اسمبلی  
سیکرٹریٹ جموں مانہہ بکھ بکھ خبراں غا ادارا غا نمائندہ تین ملاقات کی۔ اس  
ملاقات غو مقصد آن آلا اسمبلی اجلاس جہڑو 2 فروری 2026 تین شروع ہو ریو ہے،  
غی آسان سے موثر کوریج ناہہ یقینی بنانو تھو۔ ملاقات مانہہ اسپیکر نے کہیو  
کہ ذرائع ابلاغ عوام ناہہ قانون سازی غا معاملات تین آگاہ کرن مانہہ اہم کردار ادا  
کرے۔ سپیکر نے ذرائع ابلاغ تین اسمبلی غے دوران بہتر تعاون سے باہمی مدد  
غی ضرورت ور وی زور دتو۔ تانجے اسمبلی غا اجلاس غی خبر درست سے ذمے  
دارانہ طریقہ سنگ عوام توڑی پُج سکے۔  
\*\*\*\*\*

## COMM SECY

جموں کشمیر حکومت نے محکمہ قانون۔ و۔ انصاف سے پارلیمانی امور غا، سیکرٹری  
غا، عہدہ ناہہ تبدیل کرغے کمشنر سیکرٹری بنا دتو ہے۔ عام انتظامی محکمہ غی  
جانب تین جاری کردہ ایک حکم غے مطابق، یہ تبدیلی آس وقت توڑی نافذ رے  
غی، جد توڑی یوہ عہدو، اچل سیٹھی غے کول ہے۔ اس غے تحت، اچل سیٹھی  
ناہہ فوری طور ور، محکمہ قانون۔ و۔ انصاف حکومت جموں کشمیر غو کمشنر  
سیکرٹری مقرر کیو گیو ہے۔  
\*\*\*\*\*

## RAVI DASS JAYANTI

گرونانگ دیو جی غا بھگت، گروروی داس جی غی 649 ویں یوم پیدائش کٹھوعہ  
مانہہ پورا عقیدت سے مزیبی جوش غے نال منائی گئی۔ اس موقع ور شہر مانہہ  
ایک شاندار جلوس وی کڈیو گیو۔ تیز بارش غے باوجود وی عقیدت منداں غا جوش  
مانہہ کمی نی آئی۔ جلوس جد شہر غا بکھ بکھ رستاں سے علاقاں تین گزریو،  
جھانکیاں غے ذریعے گروروی داس جی غی، تعلیمات سے پیغامات عوام توڑی  
پُجان غی کوشش کی گئی۔ نگری حلقہ تین ضلع ترقیاتی کونسل غا رکن سندھپ  
مجوترا نے گروروی داس جی غی تعلیمات ور روشنی کہلی۔ آکاشوانی غا خبراں آلا  
شعبہ سنگ گل کرتا واں ایک منتظم نے اس طرح کہیو۔  
\*\*\*\*\*

## SARAS MELA

سرس میلو 2026، جموں غا کلا کیندر مانہہ 31 جنوری تین 9 فروری 2026 توڑی جاری  
رے غو، جہڑو گراں گو ہنر سے ثقافت ناہہ پیش کرے غو۔ یوہ 9 تہاڑہ غو میلو،  
ملک تین دیہی خواتین کاروباریاں ناہہ اکٹھا کرے غو سے آن آلا زائرین ناہہ ایک  
منفرد موقعو فراہم کرے غو۔ تے لوک ایک بی جگہ ور بھارت غی دستکاری، رنگ  
تے روایات غو لطف چا سکین گایوہ میلو، اپنی مدد آپ گروپ سے خواتین غی  
قیادت آلا کاروبار ناہہ فروغ دین واسطے منعقد کیو جارہیو ہے۔ میلا مانہہ روایتی  
دستکاری، ہتھ کڈی، مقامی کھان پین غی اشیاء سے ہتھ تین بنی چیزاں غی نمائش

لائی جے غی۔مختلف ریاستاں گا کاریگر اپنا علاقان غی مخصوص دستکاری تے ثقافتی چیز پیش کریں گا۔

\*\*\*\*\*

## BHARAT SOLAR YATRA

بھارت سولر یاترا، جہڑی کشمیر تیں کنیا کماری در جارئی ہے اج جموں پُجی، اس یاترا غو مقصد عوام مانہہ شمسی توانائی غا بارا مانہہ بیداری پیدا کرنو ہے۔ اس مہم غے دوران بھارتی حکومت غی اہم شمسی سکیمان، جسراں کہ پی۔ایم۔سوریہ گھر یوجنا تے وزیر اعظم کُسم سکیم، غا بارا مانہہ لوکاں نانہہ معلومات دتی جارئی ہے۔ یاترا غے ذریعے لوکاں نانہہ اپنا کہراں مانہہ سولر پینل لان تے بجلی غی بچت کرن غی ترغیب دتی جارئی ہے۔ یہ مہم نوجواناں غا ایک گروپ غی قیادت مانہہ چلائی جارئی ہے، جہڑا ملک غا بکھ بکھ شہراں مانہہ سفر کرغے قابل تجدید توانائی غا بارا مانہہ آگاہی پھیلا رہیا ہیں۔ آکاشوانی غا خبراں آلا شعوبہ سنگ گل کرتا واں پروگرام غا سربراہ نے اس طرح کہیو۔

\*\*\*\*\*

## SERICULTURE DEPT

ریشم سازی بارے محکو رامین، کساناں غی مدد تے زراعت نانہہ بہتر بنان واسطے سرکاری پروگرام غے تحت ریشم غی پیداوار نانہہ فروغ دے رہیو ہے۔ اس سلسلہ مانہہ کھیری بلاک غا صدر دفتر مانہہ ایک ورکشاپ غو انعقاد کیو گیو، تانجے دیہی علاقان مانہہ ریشم غی کاشت نانہہ روزگار غو ذریعو بنایو جاسکے۔ محکو، کساناں غا مسائل سنن تے اُن غو حل کرن واسطے عوامی شکایات کیمپاں مانہہ وی سرگرم ہے۔ اس تیں علاوہ، شہتوت غا درخت لان واسطے ترغیبی سکیم وی دتی جارئی ہے، جس مانہہ شجرکاری غی سہولت وی شامل ہے۔

\*\*\*\*\*

## TRAFFIC

نوویگ ٹنل تے اس غا کول کال غا علاقہ مانہہ تازہ برف باری غی وجہ نال دواں پاساں تیں قومی شاہراہ 44 ور گڈیاں غی نقل و حرکت روک دتی گئی ہے اس غے علاوہ مغل سڑک ایس ایس جی سڑک تے سنتھن سڑک وی تازہ برف اکٹھا ہون غی وجہ نال بند کردتی گئی ہے لوکاں نانہہ مشورو دتو گیو ہے کہ وے مزکورہ سڑکاں ور اس ویلے تک سفر نہ کریں جد تک یہ سڑک مکمل طور ور بحال تے آمدرفت واسطے محفوظ کرار نہ دتی جیں۔ تاہم اس دوران ٹریفک پولیس نگروثہ، ٹریفک چیک پوسٹ تیں کشمیر در جان آلی گڈیاں نانہہ موڑ رنی ہے۔ اس بارے مزید جانکاری سانجہ کرتا واں سٹیشن آفیسر ٹریفک نگروثہ نے اس طرح کہیو۔ بھارتی محکمہ موسمیات نے گرج چمک غے نال پاری بارش تے برف باری بارے جموں کشمیر مانہہ اورینج الرٹ جاری کیو ہے۔

\*\*\*\*\*